

• le se correga elle, che drio al loro esempio vegnirà i altri. Se tutti
 • ballottemo trasportadi da un desiderio momentaneo e po operemo
 • contro la legge: in logo de far una legge femo un scandalo, e le
 • me perdona sta parola vera e necessaria, portemo l'ignominia
 • su nu altri e sul governo. Ma quel, che ze più osservabile, no ze
 • stà parlà al Mazor Conseggio un desiderio aperto e chiaro, ma
 • un no so che de misto e de oscuro. El maggior peccato, che ghe
 • possa esser in fazza alla nazion, per poi parlar un altro zorno e
 • inviluppar le deliberazion. S' ha domandà, ch' el senato deliberi
 • per le forme ordinarie; quando se voleva el Mazor Conseggio
 • consultante, se vien aperti e se domanda el voto su questo. Perché
 • la Signoria possa proponer in conformità, se dise, domando la tal
 • cosa, e in forza de questo la Signoria in tal forma propona. El
 • Mazor Conseggio comandi ello, che ze padron de tutti i Conseggi.
 • Ma no se vien qua a sospender i voti condotto dalla inclinazion
 • al ben, mostrando propension al senato, per poi accusar la sere-
 • nissima Signoria de non aver portà al Mazor Conseggio. Ghe do-
 • mando perdon, parlo con ingenuità; de questa me pregio: el ze
 • un requisito necessario, parlando al padron della repubblica. La
 • Signoria ristretta dal tempo con bona fede l' ha portà al senato.
 • Cosa ze sta ristrettezza de tempo? El paese no pol star tre mesi,
 • come el ze sta tanti anni? No formo question, se ghe sia i mali,
 • ma, se i ghè, ze lento el loro progresso. La proposizion portada
 • con fretta non la fu presa. La ghe ne ha fatto un' altra, el senato
 • l' ha addottada, l' ha accettada el Conseggio de X. Se parla al
 • Mazor Conseggio, se vol, ch' el senato deliberi, e dopo che l' ha
 • deliberà, non se ze contenti della deliberazion, e se ghe dise, ch' el
 • Mazor Conseggio dopo l' eccitamento no ha più sentido a parlar-
 • ghene, e ch' el deve sentirlo. Le lo vede falso in mi stesso. Ho
 • un tempo eccità, ho proposto, ho domandà, che se vegnisse al
 • Mazor Conseggio. El senato ha deliberà, da quei consessi se ha
 • consumà la materia, e dopo la ze tornada al Mazor Conseggio.

• Voleva taser, lontan affatto da comparir in sto logo, e per la